

(<https://news.usm.my>)

Berita Mutakhir ▾

# 12 PROJEK KELULUT CIC USM DAN NCIA TERUS MAJU NOV



KUBU GAJAH, 12 November 2016 - Pelajar Program Siswa Lestari 3 "Masyarakat dan Negara" (PSL3) kelmarin telah menjalankan satu aktiviti bersama peserta Projek Ternakan Kelulut CIC Kubu Gajah dan membantu peserta projek tersebut memasang plastik pelindung untuk 75 sarang lebah kelulut Mustafa-Hive sebagai persediaan menghadapi musim hujan lebat.

Pemasangan plastik pelindung ini sebagai inisiatif untuk mengurangkan binaan kotak sarang lebah kelulut Mustafa-Hive menerima tempias hujan.

Aktiviti ini turut dihadiri oleh Penggerusi KTP Profesor Dato' Dr. Omar bin Osman, Pengarah Pusat Pemindahan Ilmu Profesor Dr. Haslan bin Abu Hassan, Penyelaras Pusat Inovasi Komuniti Syed Yusof bin Syed Kechik dan Pegawai NCIA En. Fauzan bin Ismail yang seterusnya melawat tapak Projek Ternakan Kelulut CIC Kubu Gajah.

Program CIC merupakan program usahasama USM dan NCIA yang juga merupakan roll-out daripada Program Pemindahan Ilmu dan matlamat utama CIC ialah membudayakan inovasi dari komuniti iaitu kekuatan yang belum diterokai dan bermanfaat serta berpotensi untuk diketengahkan.

Program ini dilaksanakan secara Collective Impact berpaksikan pendekatan Quadruple Helix dan tempoh jangkamasa pelaksanaan program ialah 2 tahun dengan sasaran 8 projek CIC dari beberapa kawasan dalam lingkungan koridor utara yang melibatkan 8 produk, 120 peserta dan mencapai minima 60% indeks kepuasan rakyat (CSI).

Elemen inovasi dari USM yang diketengahkan dan dipindahkan ialah inovasi USM MUSTAFA-HIVE yang dihasilkan oleh pensyarah muda dari USM Kubang Kerian iaitu Dr. Zulkifli Mustafa yang merupakan seorang Pakar Neurologi dari Pusat Pengajian Sains Perubatan yang telah memenangi pingat emas inovasi asas tanu untuk ciptaan MUSTAFA-HIVE.

Kemajuan projek kelulut yang kini mempunyai 3 ladang ternakan dan turut mendapat sokongan serta kerjasama Koperasi Kelulut-Sampugita Kelantan Berhad (Honeygold Enterprise) diharapkan dapat terus berkembang dan menarik pelabur atau mana-mana agensi untuk bersama menyumbang mencetuskan inovasi dari komuniti melalui pemindahan ilmu.

Sebagai sebuah institusi pendidikan tinggi yang mempunyai tanggungjawab sosial, USM akan terus komited menyumbang melalui ilmu, kepakaran dan teknologi yang ada dan adalah diharapkan pemerksaan komuniti melalui projek berinovasi sebegini dapat membantu mewujudkan peluang untuk ahli komuniti terutama golongan dibawah aras kemiskinan tegar bagi membaiki kedudukan sosioekonomi mereka.

Teks : KTP / Hafiz Meah Ghouse Meah

Foto : KTP USM



Share This

#### Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015